

Pɔli ka letere min ci

GALASIKAW

ma

Kitabu faamucogo

Yesu ta ciraden Pɔli le ka nin letere seɓe. Pɔli ni Barinabasi tun ka tagama fɔɔ min ke, ka Kibaro Diman* fɔ, mɔgɔ caman tun kera lanabagaw ye o waajuri sababu ra Galasi mara ra (Kewalew 13.14–14.23). Nka Pɔli ni Barinabasi nana taga minke, Yahudiyaw lanabaga dɔw nana Galasi mara lanabagaw fe, ka na o karan ko ni o ma kenɛsigi, ka Yahudiyaw ta sariyaw sira tagama, o te se ka kisi lanaya dɔɔn sababu ra. O le kosɔn Pɔli ka nin letere seɓe Galasikaw ma, k'a yira o ra ko o kuma te can ye.

Pɔli k'a yira ko sariya sira tagama ni Kibaro Diman ko te ben kelen ma. O kosɔn a ka o Yahudiyaw ta karan sɔsɔ koseɓe. A k'a yira ko mɔgɔ te se ka kisi kenɛsigiri ni sariya sira tagama sababu ra, nka mɔgɔ ka kan ka la Yesu Kirisita le ra, ka kisi a ta saraka baraka ra, sabu Yesu sara ka mɔgɔw bɔ sariya ta jɔnya ra.

Pɔli k'a yira ko Ala ka Iburahima jate mɔgɔ terennin ye a ta lanaya le kosɔn, a ma ke sariya sira tagama kosɔn.

Mɔgɔ ka kan ka sɔn Yesu le ma ka kisi, ani ka tagama ka kaɓa ni Nin Saninman sago ye. O ra, nin letere b'a yira an na ko mɔgɔ be kisi Ala ta neema dɔɔn le sababu ra (1.7), ko Ala be hera di an ma lanaya sababu ra (2.16), ka an ke Iburahima ta denw ye (3.7). Lanabaga man kan ka a yere bla sariyaw, walama landaw ta jɔnya ra tuun (5.1); sabu lanabaga te sariya ta fanga kɔɔ tuun (Kewalew 13.14–14.23). A ka kan ka tagama ka kaɓa ni Nin Saninman* sago le ye (5.16); a be Kirisita ta sariya sira le tagama, min ye kanuya ye (6.2), ani ka ban a yere sago beɓe ma.

Kitabu kɔnɔkow

Kitabu daminakumaw (1.1–5)

Pɔli k'a yira ko Ala le ka ale ke Yesu ta ciraden ye (1.6–2.21)

Ala be lanabagaw le jate mɔgɔ terenninw ye (3–4)

Lanabaga bɔra sariya ta jɔnya ra, janko ka Ala sago le ke (5–6)

Pɔli ta fori

(Romukaw 1.1–7)

1 ¹ Ne Pɔli, Yesu Kirisita ta ciraden*, ne le be nin seɓe ci. Mɔgɔ ma ne sigi o ciradenya ra, a fana ma sɔɔ mɔgɔ sababu ra; a bɔra Yesu Kirisita le ra, ani Fa Ala min k'a lakunu ka bɔ saya ra. ² Ne balema minw beɓe be ni ne ye yan, ne ni olugu le be nin seɓe ci Galasi jamana lanabagaw ma. ³ An Fa Ala ni Matigi Yesu Kirisita ye neema aw ye, ka hera ke aw ye. ⁴ Yesu Kirisita le ka a yere di saraka ye an ta jurumun kosɔn, ka an bɔ nin dunuɓa ta kojuguw beɓe ra ka kaɓa ni an Fa Ala sago ye. ⁵ Nɔɔɔ ye la ale tɔgɔ kan wagati beɓe. Amina!

Kibaro Diman ye kelenpe ye

(Galasikaw 3.1–5; 4.9–20; 5.1–12)

⁶ Ala min ka aw wele Kirisita* ta neema baraka ra, aw ka aw kɔ don ale ma jooɓa jooɓa cogo min na ka yeɓema kibaro diman were ma, o ko barara ne ra koseɓe. ⁷ Yala kibaro diman were le be yi wa? Kibaro diman were te yi de! Mɔgɔ dɔw le be aw hakiri jagamina. Kibaro Diman* min be Kisibaga* ko fɔ, o b'a fe ka o yeɓema. ⁸ Nka anw ka Kibaro Diman min fɔ aw ye, hali ni an yere lo, walama ni meɓeke dɔ le jigira ka bɔ sankolo ra ka na kibaro diman were fɔ aw ye, min ni an ta te kelen ye, Ala ye o danga.

⁹ An kɔnna k'a fɔ aw ye, nka ne be kɔsegi a kan tuun, ko: aw ka Kibaro Diman min men an fe, ka sɔn a ma, ni mɔgɔ o mɔgɔ ka kibaro diman were fɔ aw ye, min ni o te kelen ye, Ala ye o tigi danga.

¹⁰ Ayiwa, sisan, o tuma ne b'a fe ka ne yere ko diya mɔgɔw le ye wa, walama Ala? Yala ne b'a fe ka ne yere ko diya mɔgɔw le ye wa? Ni ne tun b'a fe ka ne yere ko diya mɔgɔw le ye, ne tun tena ke Kirisita ta baaraden ye.

Ala ka Pɔli bla a ta baara ra cogo min na

(Kewalew 22.3–16; 26.9–20; 9.1–20,23,30)

¹¹ Ne balemaw, ne b'a fɔ aw ye k'a gbeya ko ne ka Kibaro Diman* min fɔ aw ye, ko o ma bɔ mɔgɔ ra, ¹² ne m'a sɔɔ mɔgɔ fe, mɔgɔ fana ma ne karan a ra; Yesu Kirisita yere le k'a yira ne ra.

¹³ Ne tun be cogo min na Yahudiyaw ta diina ra fɔɔfɔɔ, aw yere ka o lɔn. Aw fana k'a lɔn ko ne tun be Ala ta jenkuɔ mɔgɔw tɔɔɔra fɔ k'a dama teme; ne tun b'a fe ka cogo beɓe ke, janko ka o jenkuɔ cen. ¹⁴ Ne tun be ne flankuruw caman na fe Yahudiyaw ta diina ra, an ta siya ra; sabu ne bemaw ta landakow ko tun ka bon ne ma haali.

¹⁵Nka sani ne ye woro, Ala tun ka ne panawoloma, ka ne wele a ta neema sababu ra. ¹⁶Ayiwa, Den min bɔra Ala ra*, a diyara Ala ye tuma min na, a ka o yira ne ra janko ne ye o ko waajuri ke siya were mɔgɔw* ce ra; o tuma, ne ma mɔgɔ jininka tuun. ¹⁷Minw kera ciradenw* ye ne ja, ne ma taga Zeruzalemu ka taga olugu jininka. Ne tagara Arabujamana le ra; o kɔ, ne kɔsegira ka na Damasi.

¹⁸Ayiwa, san saba le temenin kɔ, ne sɔrɔra ka taga Zeruzalemu, janko ne ni Piyeri^a ye jɔgɔn lɔn; ne tora ni a ye ka tere tan ni looru ke. ¹⁹Nka ne ja ma la ciraden tɔw si kan ni Matigi balemace Yakuba te.

²⁰Ne be min sebera k'a ci aw ma, Ala ye ne seere ye ko ne te faninya le fɔra.

²¹Ayiwa, o kɔ, ne tagara Siri, ani Silisi maraw ra.

²²Nka fɔ ka taga se o wagati ma, Kirisita ta lanabagaw ta jenkuru* minw tun be Zude, olugu si tun ma ne lɔn fɔlɔ. ²³O tun k'a men le dɔrɔn ko: «Min tun be an tɔrɔra fɔlɔfɔlɔ, ko a be cogo bee ke ka lanaya ko cen, ko ale le be lanaya ko waajuri kera sisan.» ²⁴O kosɔn o tun be Ala tando ne kosɔn.

Ciraden tɔw sɔnna Pɔli ta waajuri ma

(Kewalew 15.1–29)

2¹ Ayiwa, san tan ni naani temenin kɔ, ne kɔsegira tuun Zeruzalemu ni Barinabasi ye; ne tagara ni Tite ye fana. ²Ne tagara, sabu Ala yere le tun k'a yira ne ra ko ne ka kan ka taga. Ne sera yi minke, ne be deri ka Kibaro Diman* min waajuri ke siya were mɔgɔw* ye, ne ka o fɔ k'a yira lanabagaw ta jenkuru jamɔgɔw ra o danna, janko ne ka baara min ke, ani ne be min kera sisan, o bee kana na ke gbansan ye. ³Ayiwa, o kuma benna o ma, hali ne tagamajɔgɔn Tite min ye Gereki ye, o ma sɔn ka ale jagboya ko a ye kenesigi^b, ⁴hali k'a sɔrɔ balema faninyafɔbaga dɔw tun dogora ka don an ce ra, o b'a fe ka an jagboya. O mɔgɔw donna an ce ra janko an kera an yere ta ye Kirisita Yesu ta jɛnɔgɔnya ra cogo min na, olugu ye o ko segesege, janko ka an bla jɔnya ra tuun. ⁵Nka an ma sɔn ka an yere to o boro hali wagati dɔnin, janko Kibaro Diman ta can ye to a nɔ ra aw fe.

⁶Nka o tun be minw jatera jamɔgɔw ye, olugu tun ye mɔgɔ suguya minw ye, ne te o ko jate, sabu Ala te mɔgɔ bɔ mɔgɔ ra. Ayiwa, o jamɔgɔw ma fen were fara ne ta Kibaro Diman waajuri kan. ⁷Nka olugu yere k'a ye ko Ala le ka nin baara karifa ne ma ko ne ye Kibaro Diman fɔ siya were mɔgɔw ye, i n'a fɔ a k'a karifa Piyeri ma ko a y'a fɔ Yahudiyaw ye cogo min na. ⁸Sabu Ala ka Piyeri panawoloma k'a ke Yahudiyaw ta ciraden* ye cogo min na, a ka ne fana panawoloma ka ne ke siya were mɔgɔw ta ciraden ye o cogo le ra.

⁹Yakuba ni Piyeri ni Yuhana, olugu minw tun be jate i ko jamɔgɔw, olugu k'a ye ko Ala le neemara ne ye ka ne bla o baara ra. O ka o boro don ne ni Barinabasi boro, k'a yira ko an kera jɛnɔgɔnw ye. An bee benna a ra ko anw bena taga siya were mɔgɔw fe, olugu be taga Yahudiyaw fe. ¹⁰O ka an daari le dɔrɔn ko an ye an hakiri to fagantanw na; ne fana ka ne sɔbe don o ra kosebe.

Pɔli ka Piyeri jaraki Antiyɔsi

¹¹Ayiwa, tuma min na Piyeri tun nana Antiyɔsi, ne k'a sɔsɔ mɔgɔ bee ja na, sabu a tun jarkira. ¹²Ayiwa, Yakuba tun ka mɔgɔ dama dama ci Antiyɔsi; sani olugu ye na, Piyeri tun be domuni ke ni siya were mɔgɔw* ye. Nka o mɔgɔw nana minke, a ka a yere mabɔ o siya were mɔgɔw ra ka to a danna, Yahudiya minw be kenesigiri ko jagboya, olugu nasiran kosɔn. ¹³A kera ten, Yahudiya lanabaga tɔw fana donna o flankafuya ra; hali Barinabasi fana tugura o kɔ o flankafuya ra. ¹⁴Ne k'a ye minke ko o te tagamana ka kapa ni Kibaro Diman* ta can ye, ne k'a fɔ Piyeri ye o bee ja na ko: «Ele min ye Yahudiya ye, ni ele ka siya were mɔgɔw ta cogo ta, ka Yahudiyaw ta cogo to yi, o tuma mun kosɔn i b'a fe ka siya were mɔgɔw jagboya ko o ye Yahudiyaw ta cogo ta?»

Kisiri be sɔrɔ lanaya le fe

¹⁵Can lo, anw kɔni, anw ye Yahudiya yereworow le ye; an te siya were mɔgɔ* jurumunkebaga dɔw ye. ¹⁶Nka o bee n'a ta, an fana b'a lɔn ko mɔgɔ si te se ka jate mɔgɔ terennin ye Ala ja kɔrɔ, k'a to cira Musa ta sariya sira kan, fɔ ni a lara Yesu Kirisita ra. O le kosɔn an fana lara Yesu Kirisita ra, janko Ala ye an jate mɔgɔ terenninw ye an ta lanaya baraka ra; a kana ke cira Musa ta cifɔninw ye, sabu mɔgɔ si tena jate mɔgɔ terennin ye Ala ja kɔrɔ sariya sira tagama sababu ra.

¹⁷Ayiwa, an b'a fe Ala ye an jate mɔgɔ terenninw ye Yesu Kirisita sababu ra; ni an yere fana nana ke jurumunkebagaw ye i n'a fɔ siya were mɔgɔw*, yala o b'a yira ko Yesu Kirisita le ka an bla o jurumunke ra wa? Fiyewu. ¹⁸Ne ka fen min cen, ni ne yere nana ke o lawuri ye tuun, o tuma ne yere kera sariya cenbaga le ye.

¹⁹Ne be i n'a fɔ ne sanin lo sariya ta fan fe; sariya yere le ka o saya ke, janko ne ye panamanya Ala ye. ²⁰Ne ni Kirisita* gbengbenna yiri ra jɔgɔn fe. Ne te panamanya ne yere sago ma, nka Kirisita le be panamanya ne kɔnɔ. Ayiwa, ne be panamanya min na sisan, Den min bɔra Ala ra*, ne lara o ra minke, o le be ne

^a1.18 Piyeri: Gerekikan na a fɔra ko Sefasi.

^b2.3 Ka kenesigi, o kɔrɔ ye ka kenesigi ka kapa ni Yahudiyaw ta sariya ye.

panamanya; sabu ale ka ne kanu, ka a yere di ne koson. ²¹ Ne te ban Ala ta neema ra; sabu ni Ala tun be mogo jate mogo terennin ye sariya sababu ra, o tuma Kirisita sara gbansan!

Ala be mogo jate mogo terennin ye lanaya le fe

(Romukaw 4; 8.14–17)

3 ¹ E, aw Galasikaw, hakirintanw! Jon le ka aw papini sa? K'a soro Yesu Kirisita gbengbenna yiri ra kun min na, ne ka o yira aw ra k'a gbeya. ² Ne b'a fe ka ko kelen doron le lon aw fe: aw ka Nin Saninman* soro cogo di le? Yala aw ka a soro sariya* sira tagama le sababu ra wa, walama Kibaro Diman* lamenni ni lanaya sababu ra? ³ Mun le ka aw ke hakirintanw ye tan? Aw ka fen min damina Nin Saninman baraka ra, yala aw bena o laban aw yere ta se bagaya baraka ra wa? ⁴ Ala ka koba minw yira aw ra, o kera gbansan ye wa? O koni te se ka ke gbansan ye! ⁵ Ni Ala be Nin Saninman di aw ma, ka kabakow ke aw ce ra, yala a be o ke sariya sira tagamana le sababu ra wa, walama Kibaro Diman* lamenni ni lanaya sababu ra?

⁶ O cogo ra, Kitabu k'a fo Iburahima ta ko ra, ko: «A lara Ala kumakan na, Ala k'a jate mogo terennin ye a ta lanaya koson^c.» ⁷ Aw m'a ye ko lanaya be minw bee fe, ko olugu le ye Iburahima ta durujaw ye wa? ⁸ Kitabu konna k'a fo ko Ala bena siya were mogow* jate mogo terenninw ye a yere na koro o ta lanaya baraka ra. O le koson a ka nin kibaro diman fo Iburahima ye, ko: «Ala bena baraka don siyaw bee ra ele le sababu ra^d.» ⁹ O koson minw be la Yesu ra, Ala be baraka don olugu ra, i n'a fo Iburahima kera lanabaga ye ka baraka soro cogo min na.

¹⁰ Minw bee jigi be sariya siratagama kan, olugu bee danganin lo; sabu a sebera Kitabu konn, ko: «Ni mogo min te to sariya kitabu kumaw bee kan, k'a bee sira tagama, Ala ye o tigi danga^e.» ¹¹ Ayiwa, a yere gbenin lo ko mogo si te se ka jate mogo terennin ye Ala fe sariya sababu ra, sabu a sebera ko: «Mogo terennin be panamanya lanaya le sababu ra.»^f ¹² Sariya ju ma sigi lanaya kan; sabu a sebera ko: «Ni mogo min ka nin kow sira tagama, o tigi bena kisi o le sababu ra^g.»

¹³ Nka Yesu Kirisita ka a yere bla danga koro an no ra, janko ka an kunmabo sariya ta danga ma; sabu a sebera Kitabu konn, ko: «Mogo o mogo su dulonna yiri ra, o tigi danganin lo^h.» ¹⁴ A kera ten, janko Ala ka baraka min layiri ta Iburahima ye, o ye lase siya were mogow ma Yesu Kirisita baraka ra, ani janko Ala ka Nin Saninman min layiri ta, an ye o soro lanaya sababu ra.

Sariya ni Ala ta layiri

¹⁵ Ne balemaw, ne bena kuma ka kapa ni adamadenw ta kokecogo ye: ni mogo do ka layiri ta, k'a sebe a sebecogo ra, ka a boron la a kan, mogo were te se ka o layiri cen, walama ka do fara a kan. ¹⁶ Ayiwa, Ala tun ka layiriw ta Iburahima ni a ta duruja le ye. Kitabu m'a fo ko «ani a ta durujaw» i n'a fo duruja caman ko lo, nka Kitabu kumana duruja kelen le ko ra, ko «ani i ta duruja»; o le ye Kirisita* yeⁱ. ¹⁷ Ne ta kuma koro le ye nin ye: Ala tun ka layiri ta, k'a sebe a cogo ra. San keme naani ni san bisaba temenin ko, sariya* soro ra ka na; o sariya te se ka Ala ta layiri yelema, walama ka a ta kuma ke kuma gbansan ye. ¹⁸ Sabu Ala be min di, ni o tun be soro sariya sababu le ra, o tuma a tun tena ke layiri no ye tuun; k'a soro Ala ka a ta neema di Iburahima ma gbansan layiri le koson.

Sariya sigikun

¹⁹ O tuma sariya kun ye mun ye? Sariya nana fara layiri kan, janko ka mogow ta terenbariyakow yira. Sariya fana tun ka kan ka to a no ra, fo layiri tara Iburahima duruja min ko ra, o ye na. Melekew le nana sariya di, Musa ka ke o lasebaga ye mogow ma. ²⁰ Nka Ala ka o layiri ta Iburahima ye minke, a mako tun te lasebaga ra; Ala yere le k'a fo Iburahima ye.

²¹ Yala sariya be Ala ta layiri soso le wa? Fiyewu, can te o ye! Sariya min dira, ni o tun be se ka panamanya di mogow ma, o tuma mogow tun bena jate mogo terenninw ye Ala na koro o sariya sababu le ra. ²² Nka Kitabu k'a fo ko dunupa bee be jurumun ta fanga le koro; o cogo ra Ala ka fen min layiri ta, o be di lanabagaw ma o ta lanaya koson Yesu Kirisita ra.

²³ Ayiwa, sani lanaya wagati ye se, sariya le tun be an kunna; a tora an kunna fo ka taga se lanaya yirawagati ma. ²⁴ O cogo ra sariya kera an korosibaga le ye fo ka taga se Kirisita* nawagati ma, janko an ye jate mogo terenninw ye Ala na koro lanaya sababu ra. ²⁵ I n'a fo lanaya nana sisan, an te to o korosibaga ta fanga koro tuun.

^c3.6 Nin kuma fora Damina 15.6.

^d3.8 Nin kuma fora Damina 12.3.

^e3.10 Nin kuma fora Sariya 27.26.

^f3.11 Nin kuma fora Habakuki 2.4.

^g3.12 Nin kuma fora Sarakalasebagaw 18.5; Romukaw 10.5.

^h3.13 Nin kuma fora Sariya 21.23.

ⁱ3.16 Nin kuma fora Damina 12.7.

²⁶ Sabu aw bɛɛ kera Ala denw ye lanaya le sababu ra, Yesu Kirisita ta jɛnɔɔɔnya ra. ²⁷ Aw minw bɛɛ batizera Yesu Kirisita ta jɛnɔɔɔnya ra, aw ka Kirisita ta cogo don aw yere ra i ko derege.

²⁸ O kosɔn sisan, n'i kera Yahudiya ye walama siya were mɔɔɔ o, n'i kera jɔn ye walama hɔɔn o, n'i kera cɛ ye walama muso o, o si tɛ jate tuun; sabu aw bɛɛ ye kelen ye Yesu Kirisita ta jɛnɔɔɔnya ra. ²⁹ Ayiwa, i n'a fɔ aw kera Yesu Kirisita ta ye, aw fana ye Iburahima durujaw le ye; Ala ka fen min layiri ta Iburahima ye, aw fana bɛ o sɔɔɔ.

4 ¹ Ne ta kuma kɔɔ ye nin ye: ka den centabaga to denmisɛnya ra, faranfasi tɛ a ni jɔn cɛ so kɔɔ; k'a sɔɔ a face borofɛnw bɛɛ ye ale ta le ye. ² Ka a to denmisɛnya ra, a bɛ to a kɔɔsibagaw ni a ta kow ɲanabɔbagaw ta fanga le kɔɔ, fɔ ka taga se a face ta wagati latigenin ma. ³ Anw fana tun bɛ ten; wagati min na an tun bɛ denmisɛnw ye, an tun bɛ nin dunɔɲa fɛngbansanw ta jɔnya fanga le kɔɔ. ⁴ Nka Ala ta wagati latigenin sera minke, Den min bɔra Ala ra*, Ala ka o ci ka na; muso k'a woro, sariya* fanga kɔɔ, ⁵ janko minw bɛ sariya fanga kɔɔ, a ye olugu kunmabɔ ka o kɛ Ala denw ye.

⁶ An kera Ala denw ye minke, o kosɔn Den min bɔra Ala ra, Ala ka o ta Nin ci ka na o don an jusukun na; o Nin le bɛ pɛrɛn k'a fɔ ko: «An Fa!»

⁷ O le kosɔn i tɛ jɔn ye tuun, i ye Ala den le ye. Ayiwa, n'i ye Ala den ye, o tuma Ala ka fen minw layiri ta i ye, i bɛna o sɔɔ Ala baraka ra.

Galasikaw ta ko ka gbelen Pɔli ma

⁸ Tuma min na aw tun ma Ala lɔn, aw tun bɛ batofɛn minw ta jɔnya ra, olugu tun tɛ batofɛnsɔbɛw ye. ⁹ Nka sisan aw ka Ala lɔn; ne bɛ se k'a fɔ ko Ala yere le ka aw lɔn. Aw b'a fɛ ka sekɔ dunɔɲa ta fɛngbansanw ta jɔnya fanga kɔɔ cogo di tuun, fɔ ka aw yere kɛ o fenw ta jɔnw ye?

¹⁰ Aw bɛ lon dɔw jate ka tɛmɛ dɔw kan, ani karow, ani wagatiw, ani sanw. Mun kosɔn? ¹¹ Ne kɔni sirannin lo aw ta ko ra dɛ! O tuma ne ka baara min bɛɛ kɛ aw ye, o bɛna kɛ gbansan le ye wa?

¹² Ne balemaw, ne bɛ aw daari, ko aw ye sabari ka kɛ i ko ne; sabu ne fana ka ne yere kɛ i n'a fɔ aw. ¹³ Aw kɔni ma kojugu si kɛ ne ra. Siɲaga fɔlɔ min na an ka jɔɔɔn ye, aw k'a lɔn ko bana le sababu ra ne lɔra aw fɛ yi ka Kibaro Diman fɔ aw ye. ¹⁴ Hali k'a sɔɔ ne ta bana ka aw tɔɔɔ kosebɛ, o bɛ n'a ta, aw ma ne dɔɔɔya, walama ka ɲigi ne ra; nka aw ka ne mina ka ɲa i ko Ala ta meleke dɔ, i n'a fɔ ne le tun ye Yesu Kirisita yere ye. ¹⁵ Aw tun ninsɔndiyanin lo ne ta ko ra cogo min na o wagati ra, o ninsɔndiya kera di? Ne kɔni bɛ se ka nin seereya kɛ aw ta ko ra, ko ni a kera ko aw tun bɛ se ka aw ɲadenw bɔ ka o falen ne ta ra, aw tun bɛna o kɛ.

¹⁶ Ne ka can min fɔ aw ye, yala o le ka ne ke aw jugu ye bi wa?

¹⁷ Ayiwa, o mɔɔɔw jijanin lo aw ta ko ra kosebɛ, nka o ta ɲaninya man ɲi; o b'a fɛ le ka ne ni aw faran ka bɔ jɔɔɔn na, janko aw ye jija ka tugu olugu kɔ.

¹⁸ Ka jija kɔɲuman na, o ka ɲi; nka a ka kan ka kɛ wagati bɛɛ le; ne bɛ aw cɛ ra wagati min na, a kana dan o ma. ¹⁹ Ne ta denw, ne bɛ tɔɔɔra aw kosɔn tuun kokura, i n'a fɔ muso tintɔ, fɔ Yesu Kirisita ta ko ye baraka sɔɔ ka dafa aw kɔɔ. ²⁰ Ne bɛ yɔɔ min na sisan, ne tun b'a fɛ ka ne yere ye aw cɛ ra nin wagati ra, janko ka ne kumacogo yelemɛ, sabu ne hakiri ma sigi aw ta ko ra.

Saran ni Hajara ta ko

²¹ Ne ko: aw minw b'a fɛ ka sariya* sira tagama, sariya ka min fɔ, aw ma o lamɛn wa? ²² Ayiwa, a sebera Kitabu kɔɔ ko Iburahima ka dence fla sɔɔ; kelen sɔɔra ni jɔnmuso ye, kelen sɔɔra ni hɔɔnmuso ye.

²³ Jɔnmuso ta den worora ka kaɲa ni a worobagaw yere sago ye; nka hɔɔnmuso ta worora ka kaɲa ni Ala ta layiri ye.

²⁴ Ayiwa, nin muso fla ta ko ye kuma kɔɔman le ye: Nin muso fla bɛ jɛnɔɔɔnya suguya fla le yira. Hajara bɛ min yira, o ye Sinayi kuru ta jɛnɔɔɔnya ye; ale bɛ denw woro jɔnya kama. ²⁵ Hajara ye Sinayi kuru ye, Arabujamana ra; Hajara bɛ suma ni Zeruzalemu sisanlaman le ye dugukolo kan yan, sabu Zeruzalemu ni a ta mɔɔɔw bɛ jɔnya ra. ²⁶ Nka Zeruzalemu dugukura min bɛ sankolo ra, o bɛ a yere ma, o ye hɔɔnmuso ye; ale le ye an bamuso ye. ²⁷ Sabu a sebera Kitabu kɔɔ, ko:

«I ɲagari, ele muso denworobari, ele min ma den woro ka ye!

I ninsɔndiya fɔ ka pɛrɛn, ele min ma tin sege lɔn!

Sabu muso min tora a kelen na, o ta denw bɛna caya

ka tɛmɛ muso cɛtigi taw kan!»

²⁸ Aw kɔni, ne balemaw, aw ye Ala ta layiri denw le ye, i n'a fɔ Isiyaka. ²⁹ Ayiwa, jɔnmuso ta den worora ka kaɲa ni a worobagaw yere sago ye; hɔɔnmuso ta den worora Nin Saninman* baraka ra. Jɔnmuso ta den ka hɔɔnmuso ta den tɔɔɔ; hali bi a bɛ ten. ³⁰ Nka Kitabu ko di? A ko: «Jɔnmuso ni a dence gben, sabu jɔnmuso dence man kan ka cɛn ta ni hɔɔnmuso dence ye^k» ³¹ O kosɔn, ne balemaw, an tɛ jɔnmuso ta denw ye; an ye hɔɔnmuso ta denw le ye.

^j4.27 Nin kuma fɔra Ezayi 54.1.

^k4.30 Nin kuma fɔra Damina 21.10.

Kirisita ka an ke an yere ta ye

5¹ Kirisita* ka an ke an yere ta ye, janko an ye ke an yere ta ye can ra le. O koson aw ye jija ka to o cogo ra; aw kana aw yere bla jonya ra tuun.
² Aw ye ne lamen! Ne Pali, ne b'a fo aw ye ko ni aw ka aw yere kenesigi, o tuma Kirisita tena foyi na aw ye.
³ Ayiwa, ne be sara aw ra tuun, ko mogo o mogo be son kenesigiri ma, ko jagboya lo o tigi ye sariya* to bee tagama. ⁴ Aw minw b'a fe ka jate mogo terenninw ye Ala na koro sariya sababu ra, aw faranna ka bo Kirisita ra, aw nin bora Ala ta neema ra.
⁵ Anw koni, an jigi b'a kan ko an be jate mogo terenninw ye Ala na koro lanaya le fe; an be o le makonona Nin Saninman* baraka ra. ⁶ Sabu Yesu Kirisita ta jengonyara ra, kenesigiri o, kenesigibariya o, o si te jate; ka lanaya sira tagama ka kana ni kanuya ye, o le be jate.
⁷ Aw boricogo tun ka ni kosebe! Jon le nana aw lalo k'a to aw ye ban can ma? ⁸ Ala min ka aw wele, o miiriya ma bo ale ra. ⁹ «Burufunufen fitini doron le be mugu noninin bee funu.» ¹⁰ O bee n'a ta, Matigi ta jengonyara ra, ne lanin b'a ra ko aw tena miiri ka sira were ta; nka mogo min be aw lafirira, ni a ka ke mogo min o min ye, Ala bena o hake bo o tigi ra.
¹¹ Ne balemaw, ni ne tun be kenesigiri ko waajuri le kera, ko a be mogo kisi, mogo si tun tena ne toro bi. Ne be waajuri min kera fana ko Kirisita* gbengbenna yiri ra, o ko tun tena digi mogo si ra. ¹² Ne koni b'a fe ko mogo minw be aw lafirira, ko olugu ye o farikolo tige, fo ka o yere bo ceya ra.

Adamaden sago ni Nin Saninman sago

(Romukaw 8.1–14; 13.12–14)

¹³ Ne balemaw, aw koni, Ala ka aw wele ko aw ye ke aw yere ta ye, nka aw kana o ke sababu ye ka aw yere sago ke; aw ye baara ke ka jagon mako na kanuya ra. ¹⁴ Sabu sariya bee be soro nin kuma kelen le kon, ko: «I ka kan ka i mogojagon kanu i ko i yere.» ¹⁵ Nka ni aw yere wurira jagon kama ka ke i n'a fo waraw, ka jagon kinkin, ka jagon domu, o tuma aw ye aw yere koro, aw kana na jagon cen ka ban.
¹⁶ Ne b'a fo aw ye ko: aw ye tagama ka kana ni Nin Saninman* sago ye; ni o kera, aw tena aw yere sago ke tuun. ¹⁷ Sabu ko minw man di Nin Saninman ye, anw yere sago be o le fe; ko minw fana ye anw yere sago ye, o man di Nin Saninman ye fiyewu. O be jagon kere; o cogo ra aw b'a fe ka min ke, aw te se ka o ke. ¹⁸ Nka ni aw be tagama ka kana ni Nin Saninman sago ye, o tuma aw te sariya* ta fanga koro tuun.
¹⁹ An yere sago be an bla kewale minw na, an bee ka o lon: jatoya, nagoninya, marobariyakow, ²⁰ jobato ni subagaya, juguya, kere ni nangboya, dimi ni sangajagonmaya, faranni ni kantaranni, ²¹ nangboya, dorotoya ni nogobaya, ani o bojagonkow. Ne be aw lasomi sisan i n'a fo ne tun konna k'a fo aw ye cogo min na, ko mogo minw be o kow ke, olugu si tena Ala ta Masaya* soro fiyewu.
²² Nka an be min soro Nin Saninman fe, o ye kanuya ye, ani jagari, ani hera, ani mujuri, ani hina, ani numanya, ani lanamogya, ²³ ani sabari, ani yeremina; sariya si te ban nin kow ma. ²⁴ Sabu minw bee ye Yesu Kirisita ta ye, olugu ka o sagonankow ni o negerakow ni o diyanyakow gbengben yiri ra. ²⁵ I n'a fo Nin Saninman ka panamanyakura di an ma, o ra, an ye tagama ka kana ni Nin Saninman sago ye. ²⁶ An kana an yere bonya, ka to ka jagon darabo, ani ka jagon nangboya.

Lanabagaw ka kan ka jagon deme

(Romukaw 2.3–11; Heburuw 6.10–12)

6¹ Ne balemaw, aw ra ni mogo do minana kojugu do ra, aw minw be tagamana ka kana ni Nin Saninman* sago ye, aw ye o tigi ladi ni jususuma ye. Aw fana ye aw yere koro, janko aw kana na o jagon do ke.
² Aw ye jagon deme, ka jagon ta doni ta; ni o kera, aw bena Kirisita* ta sariya sira tagama.
³ Ni mogo do b'a miiri ko ale ka fisa ni tow ye, k'a soro a te foyi ye, o tigi be a yere lafirira le. ⁴ Mogo bee kelen kelen ye a yere tagamacogo segesege. Ni a ta baara ka ni, a be se ka a yere bonya a yere ta baara koson; a tena a yere suma ni mogo were ye. ⁵ Sabu bee kelen kelen bena lo ni a yere kunko le ye.
⁶ O be mogo min karan Ala ta Kuma ra, o tigi ka kan ka a borofenw bee do di a karanbaga ma.
⁷ Aw kana aw yere nege; mogo te yereko Ala ma. Ni mogo ka siman suguya min dan, a be o suguya kelen le tige. ⁸ Ni mogo min ka a yere sago ta siman dan, o tigi bena a yere sago ta siman le tige; o ye halakiri ye. Nka ni mogo min ka Nin Saninman* sago ta siman dan, o tigi bena Nin saninman ta siman le tige; o ye panamanya banbari ye.
⁹ An kana sege kojumanke ra; sabu ni an ma an fari faga, an bena a ton soro a sorowagati ra. ¹⁰ O le koson wagati min na cogo be an fe, an ye kojuman ke mogo bee ye; nka an balema lanabagaw ta ko le ka kan ka bonya.

Kuma laban*(Filipikaw 3.2–11)*

¹¹ Ayiwa, aw ye nin seberidenbabaw fe; ne yere boro le ka o sebe. ¹² O mago minw b'a fe ka aw jagboya ka aw kenesigi, olugu be o kera janko ka o yere ko diya magow ye le. O t'a fe magow ye olugu tawo Kirisita* ta gbengbenyiri waajuri ko koson. ¹³ K'a sawo o mago minw kenesiginin lo, olugu yere te sariya sira tagama. Nka o b'a fe aw ye kenesigi, janko ka o yere bonya ko aw sonna ka o tagamasiyen ke aw farikolo ra.

¹⁴ Ne koni, ne tena ne yere bonya ko were ra fiyewu, ni an Matigi Yesu Kirisita ta gbengbenyiri* ko te; o gbengbenyiri koson dununa ta fenw bee sanin lo ne fe, ne fana sanin lo dununa ta fenw ta fan fe.

¹⁵ Kenesigiri o, kenesigibariya o, o si te jate; ka ke danfenkura ye Ala fe, o le be jate.

¹⁶ Minw bee be nin sira tagama, Ala ta hera ni a ta makari ye ke olugu ye, ani Ala ta magow bee ye, min ye Izirayeli* ye.

¹⁷ Ayiwa, ka bo bi ra, mago si kana ne sege tuun, sabu jorino minw be ne farikolo ra, o b'a yira ko ne ye Yesu ta le ye.

¹⁸ Ne balemaw, an Matigi Yesu Kirisita ta nema ye ke aw bee kan. Amina!